

TREVIRENSIS PROVINCIA.

345

propter Germaniæ vicinitatem cotidianis exercitatum bellis, cultu & feritate non multum abfimilem a Germanis fuisse, neque imperata unquam nisi exercitu coactam fecisse. Tantū scilicet antiquitus fuit Belgis libertatis studium.

Vrbs primaria *Augusta Trevirorum*, vulgo *Trier*. Hæc cum antiquissimis Europæ urbibus de antiquitate contendit atque hujus antiquitatem trecentis & mille annis, ante urbem Romam perscrutatus est *Aeneas Silvius*. Eam *Mosella* mediam perlabitur. Natura loci (ut *Simon Richwinus* ad *Münsterum* scribens testatur) satis est ad delitias & amœnitatem facta, sive montes & valles, sive flumina & rivos pratis interiectis spectare velis. Montes *Bacchico* cultu virent. Ager satis hic est fecundus: omnis generis pisces & ferina hic abundant. In *Trevirensi* Provincia hæc sunt: Abbates, *Præmiansis*, *S. Maximini* proxime *Treviros*, *Metloch*, *Himmelrodt*, *Toley*. Comitatus qui sunt intra *Trevirensē* ditionem, *Manderscheyr*, *Keibel*, *Weirnenborch*, *Gerresteyn*, *Veldentz*, *Baronię VVinnenberg & Bilsstein*. Dominia *Passenheim*, *Saffich*, *Zur Leyen*, *Eltz*, *Permont*, *VVildenborch*, *Eerenborch*, *VValdeck*, *Hertelsstein*, *Kerpen*. Præfecturæ *Schoinbergk*, *Schoinecken*, *Hildesheim*, *Danne*, *Over-Manderscheidt*, *Kylborch*, *Ulmen*, *Cöchem*, *Kempenich*, *Meyen*, *Monreal*, *Keisers Esch*, *Munster*, *Meivelt*, *Over-Hammerstein*, *Welsch Bilsch*, *Broich*, *Pfaltz*, *VVitlich*, *Sarborch*, *Grimborch*, *S. VVendel*, *Bleiscassel*, *Hunelstein*, *Baldenavv*, *Berncastel*, *Cell*, *Baldeneck*, *Schoineck*, *Coblentz*, *Boppard*, *Over-VVesel*, *Eerenbreitstein*, *Montabour*, *Vilmar Brechen*, *Caemborck*. Vrbes præter *Augustam Trevirorum* sunt ad *Mosellam*: *Nivomagus*, divi castra inclinata *Constantini*, *Veldentz*, *Cella Beilstein*, *Confluentia*, & alibi alia. Comitatus confines *Provincia Trevirensi* in hac *Tabula* comprehensi sunt, *Blanckenheim*, *Arnsberg*, *Nuenar*, *Reiferscheidt*, *Sleiden*. Dominia *Cronenburg*, *Smidheim*. Duo hic sunt *Lacus* miræ profunditatis, nempe *Ulmensis* & *Laichensis*, in quorum posteriore reperiuntur *Lapides* viridis, crocei & rubicundi coloris, qui *Smaragdos* & *Hyacinthos* æmulantur. Majoti autem ex parte fluviiis, torrentibus, ac rivulis irrigatur, qui omnes *Mosellę* commixti ad *Rhenum* deferuntur: unde omnis generis *Pisces* hic abundant. Inter fluvios sunt *Kil* qui & *Gelbis*, *Pruin*, *Ur*, *Sara*, *Ahra*, *Surra*, & alii. Montes *Meliboci*, *Agnobi*, *Silva Arduenna* varie hic diffunditur, diciturque pro locis modo *VVester-vvald*, modo *Eider-vvaldt*, modo *Ebers-vvaldt*, quę *Silvę* *Feris* refertissime sunt. *Palatium* *Treviri* est spectanda antiquitatis. Alię in super moles adhuc exstant, alię sub cæcis terrę speluncis sepultę jacet, quę cum indies eruntur admirandam exhibent vetustatem. Antiquissima etiam totius *Germaniæ* *Academia* insignitur. *Artium* & *linguarum* studia quę hic floruerunt, commemorare nihil attinet, quum ex media etiam *Italia* eo contendisse plerosque, certum sit. *Mores* hominum hic natorum plerumque tristes sunt, & ad *Melancholiam* proclives, sed tamen mansuescunt paullatim commercio extraneorum, & *Stoicum* illud supercilium convictu seu recreatur.

In universum *Mosellanorum* corpora laboribus induruerunt ad miraculum usque. Per Montes aërios, veluti *Caprę* reptare & evadere spectantur. Residuum *Provincia Trevirensis*, quod hac *Tabula* contineri nō potuit, invenies in III *Tabula VVestphalię*.

X x

Quando

Vrbes.

Lacus.

Flumina.

Montes.

Silva.

Opera publicæ.

Schola.

Mores.